

Script of Morning Gojri News Bulletin 13 July 2025 at 1015Hrs

مارننگ گو جری نیوز بلیٹن مورخہ 13 جولائی 2025

یوہ آکاشوانی جموں بے محمد امین انجم تیں خبر سنو۔

Dy CM Akhnoor

نائب وزیر اعلیٰ سریندر چودھری نے سب ضلع ہسپتال اکھنور غو دورو لایو تانجے صحت غی دیکھ بھال واسطے دتی جا رہی سہولتاں غو جائز لایو جا سکے۔ انہاں نے مریض نال وی گل کی۔ موصوف نے سڈھرتی دیہی دیکھ بھال بارے زور پایو۔ نائب وزیر اعلیٰ نے ہسپتال عملہ نانہہ ہدایت کی جے وہ مریض نانہہ ویلے سر خدمات دینو یقینی بناوے۔ بعد مانہہ موصوف نے گردوارہ ٹاپو استھان سنت بابا سندر سنگھ جی غو دورو لایو تے جموں کشمیر غی خوش حالی واسطے دُعا کی۔ دریا نے چناب ور رسومات غی آدائیگی غی خاطر اک چھت واسطے گردوارہ کمیٹی غی اپیل غا جواب مانہہ نائب وزیر اعلیٰ نے 1 کروڑ روپیہ منظور کیا تے ہدایت کی جے اس غی ٹینڈر کا ری 20 جولائی تیں پہلاں پہلاں مکمل کی جائے۔ انہاں نے گردوارہ غی خوبصورتی اور اس نال جڑیا کماں واسطے اضافی رقومات واسطے وی کہیو۔

Property Attached

وادی کشمیر غا گاندر بل ضلع مانہہ جموں کشمیر پولیس نے 3 عشاریہ 2 کروڑ روپیاں غی غیر منقولہ جائیداد منسلک کر دتی ہے۔ یاہ جائیداد اُن 3 دہشت گرداں نال تعلق رکھے جہیزا اس ویلے پاکستانی مقبوضہ جموں کشمیر مانہہ کم کر رہیا ہیں۔ یاہ کا روائی 2 ہزار 9 مانہہ پولیس تھانہ کھیر بھوانی مانہہ درج ایف آئی آر نال جڑی وی ہے۔ گاندر بل پولیس غے مطابق ضبط کی گئی جائیداد دہشت گرداں نال تعلق رکھے۔ جہیزا قوم دشمن سرگرمیاں مانہہ ملوث ہیں۔ یو اے پی اے غے تحت اس اہم قدم غو مقصد سرحد پاروں دہشت گردی ور روک لانو ہے۔

Amarnath Yatra

سخت حفاظتی انتظامات بشکار 7 ہزار 49 یا تریاں ور مشتمل 12 ووں جتھو اج سویرے وادی کشمیر واسطے روانہ ہو گیو۔ امرناتھ گپھا غا درشن کرن غی خاطر یہ یا تری 2 سو 86 گڈیاں غا ایکن قافلہ مانہہ اج سویرے بھگوتی نگر یا تری نواس بنیادی کیمپ تیں

روانہ ہوؤ۔ اس قافلہ مانہ 5 ہزار 4 سو 59 مر د، 1 ہزار 4 سو 23 کالسریں، 31 بچہ، 107 سادھو تے سادھویں شامل تھیں۔ ان یا تریاں وچوں 2 ہزار 8 سو 91 یا تری بالتال بنیا دی کیمپ اور 4 ہزار 1 سو 58 یا تری پہلگام بنیا دی کیمپ واسطے روانہ ہوا، جتوں وین پوتر گپھا واسطے اپنو اہلو سفر شروع کریں گا۔

°Flood Mock Drill

ضلع ریاسی مانہ چناب دریا غے نیڑے سیلاب غی تیاری با رے اک سانجھی مشق کی گئی۔ یاہ مشق این ایچ پی سی سلال بجلی اسٹیشن تے ضلع انتظامیہ غی طرفوں منعقد کی گئی۔ جس غی قیادت ڈپٹی کمشنر ندھی ملک نے کی۔ اس موقع ور تیزی نال کا روائی انجام دین آلی ٹیم چالو کی گئی۔

Livestock Jammu

جموں مانہ مال چوکھر سیکٹر نانہ مضبوط بنان واسطے اک خصوصی قدم غے تحت ذرعی پیداوار غا پرنسپل سیکریٹری شلیندر کمار نے مال چوکھر با رے ڈائریکٹوریٹ تالاب تلو مانہ اک جائزہ میٹنگ منعقد کی۔ اس موقع ور بکھ بکھ اسکیمان غے تحت پیش رفت غو جانزو لیو گیو۔ ان اسکیمان مانہ کپیکس، ایچ اے ڈی پی، سی ایس ایس تے نبارڈ شامل ہیں۔ اس موقع ور سیکریٹری موصوف نے ویلے سرٹیکا کاری، ڈیجیٹل رپو رٹینگ تے بنیا دی ڈھانچہ پروجیکٹاں غی تکمیل ور زور پایو۔ میٹنگ مانہ ڈیری سیکٹر مضبوط کرن، امداد باہمی نانہ بابدو دین تے شفافیت بدھان غی ضرورت اُجاگر کی گئی۔ اس موقع ور عہدیداراں نانہ کہیو گیو جے وین جموں ڈویزن پھر مانہ مال چوکھر واسطے بہتر خدمات غا سلسلہ مانہ جوابدہی یقینی بناویں۔

Cocoon Auction

خطہ مانہ ریشم غی پیداوار بدھان واسطے ڈائریکٹر سیریکلچر اعجاز احمد بھٹ نے حال بی مانہ اُدھم پو رمانہ ریشم غی کھپتی غی نیلامی با رے منڈی غو دورو لایو۔ اس سلسلہ مانہ یکم جولائی تیں 1 ہزار 6 سو رشیم غا کیڑا پالن آلاں نے 60 ہزار کلو کھپتیں بیچیں۔ اس سلسلہ مانہ 2 عشاریہ 5 کروڑ روپیاں غو کاروبار ہوؤ، تے اس طرح فی کلو غی قیمت 1 ہزار 6 سو روپیاں تک پُچ گئی۔ اس موقع ور جناب بھٹ نے شفافیت منڈی غا رابطہ مضبوط کرن اور کساناں نانہ بوہاں ور حمایت ور زور پایو۔ جس غو مقصد جموں کشمیر مانہ رشیم غی پیداوار نانہ بابدو دینو ہے۔

Rangyug Chanchlo

ڏوگري تهیئر غی تا ریخ مانہ پہلی بار اک ہی منظر ور مشتمل 90 منٹ غو ڌرامو پیش کیو گیو، جس نے لوکاں نانہ بڑو متو خوش کیو۔ اس سلسلہ مانہ رنگ یگ غی طرفوں چنچلو ڌرامو پیش کیو گیو۔

اس غے نال ہی خبراں غو یوہ بلیٹن ختم ہوؤ۔